

Headline	Jangan hilang fokus		
MediaTitle	Harian Metro		
Date	24 Aug 2016	Language	Malay
Circulation	1,270,667	Readership	3,812,000
Section	Arena	Page No	71
ArticleSize	329 cm ²	Journalist	Saiful Affendy
PR Value	RM 38,882		



>>TNB turut mara saingan suku akhir selepas membelasah UiTM-KPT 11-0

Jangan hilang fokus

■ Arul mahu anak buah terus aksi konsisten selepas singkir Maybank

Saiful Affendy Sapran
saifulaffendy@hmetro.com.my

Maybank menjadi mangsa pasukan Liga Premier pertama tersingkir daripada saingan merebut Piala Tan Sri P Alagendra selepas tewas 0-1 di tangan Universiti Kuala Lumpur (UniKL) pada perlawanan pertama kalah mati semalam.

Keputusan itu juga menyaksikan UniKL yang layak ke suku akhir Selasa depan, meneruskan rentak konsisten selepas turut cemerlang dalam saingan liga apabila menewaskan TNB 1-0 pada perlawanan kedua, Ahad lalu.


"Ini kali pertama kami beraksi dengan konsisten. Hanya satu saja ingatan saya kepada pemain, mereka perlu fokus sepanjang perlawanan.

"Disiplin tinggi serta keinginan untuk menang menjadi kunci kepada kemenangan hari ini (semalam)," kata ketua jurulatih UniKL Arul Selvaraj ketika ditemui selepas tamat perlawanan semalam.

Sedar hanya kemenangan akan menjamin tempat ke



PEMAIN UniKL Abdul Khaliq Hamirin (kanan) dikekang pemain Maybank Rezaul Karim Babu.



PEMAIN TNB Ramadan Rosli (kiri) diasak pemain UiTM-KPT di Stadium Hoki Kuala Lumpur.

suku akhir, kedua-dua pasukan mempamer aksi seimbang dan berhati-hati di awal permainan.

Kapten pasukan Muhammad Najmi Farizal Jazlan meledak gol tunggal pada minit ke-11 menerusi pukulan sudut penalti.

Bersambung babak kedua,

Maybank dilihat lebih garang apabila kerap melakukan asakan dalam kawasan D UniKL, tetapi penyudah yang tumpul mensia-siakan usaha mereka mencari gol penyamaan.

Sementara itu, TNB menebus kekecewaan

mempamer aksi hambar pada saingan Liga Premier apabila membelasah UiTM-KPT 11-0 untuk turut layak beraksi di suku akhir.